

PRÒVA ORAU- Nivèu B1

Lectura: Lieg en votz nauta aguesta notícia

CAMPANHA DE SENSIBILIZACION SUS RESIDUS

Entà melhorar eth servici s'a demanat opinion as vesins

En tot preveir era finalizacion deth contracte actuau, eth Conselh Generau d'Aran trabalhe de hè un temps en un nau modèl de servici de remassada de residus que melhore es deficits der actuau e s'adapte as besonhs reaus deth territòri.

Laguens d'aguesti trabalhs, eth Conselh Generau d'Aran inicièc hè uns mesi ua campanha d'informacion e conscienciacion enes hilats sociaus sus es dades reaus des residus que generam ena Val d'Aran e quin ei eth sòn recorrut. Ara se daurís un procès de participacion entà qu'era ciutadania d'Aran pogue dar era sua opinion e hèr es sues prepauses sus com vòlen que sigue eth nau servici de remassada de residus. "Volem arténher un modèl de servici de remassada de residus foncionau, que melhore era imatge deth nòste territòri e, sustot, que mos ajude a melhorar es dades de generacion de residus, entà auançar de cap a un futur mès verd e sostenible", afirme eth conselhèr de Territòri, Paisatge e Gestion Ambientau, Oriòl Sala, en tot híger que: "entath govèrn deth Conselh Generau d'Aran ei indispensable poder compdar damb era opinion dera nòsta ciutadania, per aquest motiu voi animar a toti es nòsti vesins e vesies a participar en aquest procès e díder era sua". Entà arténher un sistèma de residus que s'adapte as besonhs deth nòste territòri e que mos permete transicionar de cap a ua gestion mès sostenibla, eth govèrn d'Aran vò compdar damb era participacion dera ciutadania aranesa. Eth tèrme entà hèr aportacions finalizaue eth passat 15 d'abriu.

(Notícia apareishuda en periodic d'Aran, Aué, num. 98, abriu 2023)